

光緒六年輯

武陽官書錄

志書局校刊

武陽官書錄序

官書錄奚為而輯曰光緒武進陽湖志之作也自道咸以來寧之當增者比於舊志十之二三而卷帙之數文之繁簡省於舊志者十之三四合志藝文取宗羅願新安志之例分類條序一

注一篇之中首尾或不完新志合之為一類而用隋書經籍志之例有錄無文者十八九焉此錄所載上卷二十八篇則合志所有而新志刪焉者也下卷二十八篇以合志之例則當選入於新志而未能者也夫志事體大其

於官書或以為繁蕪不衷於
風雅然民治攸繫如布帛粟
菽焉不可廢也余嘗治陽湖
而與武進同域熟其地勢與
其民事其田固奧美而襟江
帶湖依山跨河之所或一歲
而水旱豐歉苦樂之不同其

序二

民固良懦而扞乾禦潦培高
浚深之役或觀望推諉逡巡
而不進其俗固急公奉上而
均莊議國章信明罰之法星
郵羽傳行徭入執之事或慙
悴於石均而廢弛於經久故
其政治自明以上不可得徵至


國朝以來大吏之所丁寧良
有司之撫循而告戒者未嘗
不出於此數者也方其良法
美意權輿草創之日未嘗不
大書深刻託貞石以為固而
久或毀於兵火興滅沒於荒
烟蔓艸間人不克周知則夫

序三

彙而刻之字可以已乎余嘉
是錄有以拾志書之遺使後
之蒞斯邑者徵焉而知其地
勢民事得所以撫循之術也
故樂為敘之云耳

光緒歲在上章執徐暮春
誥授朝議大夫運同銜江蘇

補用同知調補松江府青浦
縣知縣前知陽湖縣事石門
吳康壽撰并書



卷上



武進縣官生呂方洪等條陳開河利弊公呈其第四條云煩苦如沿江沿塘坊廂半圖荒僻如迎春鄉歷年定例一槩雜差不派憲諭煌煌可考今該房盡行混派究竟所派之數已浮二萬五千應免之夫不過三千有餘卽與豁免原屬無礙今故意阻撓舊例以滋需索此皆工房串通圖差生發弊端伏乞憲諭仍照例准免康熙六年十月奉總督部院郎批示飭禁

附城鄉優免圖分

在城十三坊廂

成下四十七都六圖東門直街

南上十九都一圖懷南廂

北上二都一圖西倉廂

北下一都一圖西門直街

德上在城一圖 二圖 中右廂 西右廂 左廂

德下四十四都一圖北門直街 河南廂 東右廂

昇西夾城圖東倉廂

五半圖

安下四十七都五圖東半圖

南上十九都二圖南半圖

北上一都二圖西半圖

二都三圖西倉半圖

德下四十四都二圖北半圖

沿江

循理三十七都二圖 七圖 八圖

三十八都一圖

三十七都六圖

通江三十七都三圖 四圖

四十都一圖 一圖 三圖 四圖 五圖

三十九都五圖 四圖

官書錄

卷上

二

八都一圖 二圖 三圖 五圖

九都一圖 二圖 四圖 五圖 六圖

十都一圖 二圖 三圖 四圖 六圖 八圖

東沿塘

安上四十七都二圖

安下五都二圖

政成四十七都一圖 三圖

三十二都一圖

二十四都一圖 二圖 三圖 四圖 五圖

七圖

二十三都八圖

二十四都六圖

二十五都一圖 二圖 三圖 四圖 五圖

六圖 七圖 八圖 九圖

二十七都四圖

中塘

延下二都一圖

延上三十二都七圖

西沿塘

懷北一都三圖 六圖

官書錄

卷上

三

二都四圖 五圖

三都三圖 四圖

十四都一圖 二圖 三圖 四圖

十五都一圖 二圖 三圖

南沿塘

南上二十六都二圖 三圖

南下十九都三圖

延下二十都二圖 五圖

欽下二十都三圖

二十五都三圖

延上二十一都六圖

欽下二十五都二圖

芙蓉圩

甯上二十八都一圖

二十九都一圖 二圖 四圖 五圖 六圖

二十七都七半圖

甯下二十九都三圖

成上二十九都三圖

成下二十七都五圖 六圖

黃天蕩

官書錄

卷上

甯下三十一都五圖 八圖 九圖

三十都三圖 五圖 六圖

三十三都二圖 三圖 六圖

馬蹟山

太平十七都一圖 二圖 三圖 四圖 五圖 六圖

七圖 八圖 九圖

百瀆港

平下十五都一圖

下埠港

平下十五都一圖

合志云此上鄉都圖分與雍正年間順庄以後多有不同
照陳志原文錄之以存其舊至志內尙有僧道戶編通下
十一都四五六七四圖係向於版圖外另立又圖挂通江
區尾原無地面嗣經里甲黃武等呈控各憲批查本縣遵
均田均役之令將所立又圖盡行裁革自後僧道田畝槩
歸版圖入甲與民田一體當差不許額外設立僧道二戶
另挂彙徵名色致滋詭避於康熙三十六年勒石示禁碑
在武進縣署前

附陳履儼迎春鄉恤役說作貢者任土宜然徃役者庶人之義胡
爲恤而迎春鄉又胡爲獨恤蓋諸鄉入郡舟車並用惟迎春僻處

官書錄

卷上

五

湖心洪波浩瀚山多田寡地瘠民貧稼穡者以人代牛勞苦更甚
斂穫不足給俯仰過半餉其口于四方卽世宦之家于井閉無圭
田也其有事役于郡縣者非舟弗濟以一葉艇受載多人苦不勝
任倘遇石尤爲虐則怒濤澎湃多覆溺之虞以故輸課者望洋裹
足每致後期迨風平波靜甫欲問津而追呼者已在戶矣正供之
需費於胥隸者半他鄉不爾也若軍興若浚河一切芻束之供刀
槽之具暨力役之征非不欲于來趨事奈爲巨浸所阻不能褰裳
而涉其苦於風波而有性命之憂者一若夫亢旱則湖之南北兩
澗俱涸僅湖心有水一綫舟楫無所施其伎倆無水處則泥淖沒
股雖有捷足不能跬步如明季甲申歲之旱河底坼裂入郡者咸

取道于無錫其苦于旱乾而不得達者二迨時當寒沍輸漕正亟湖冰往往腹堅坐待冰泮動須浹旬民恐愆期步行冰上二十里始達下步倘履薄則性命頃刻間其苦于冰凌而有喪亡之虞者三迎春之民有此三苦爲民牧者亦知三吳沃土中有此苦壤哉如以他鄉之例繩之求其納賦以時至赴調以急公勢斷有所不能矣欲外徙則安土重遷不肯棄其墳墓故甯死守之其間轉移調劑惟賢有司是賴明季萬曆之末邑侯董懋中徇鄉人之請上聞當道特改迎春漕白二糧爲存留以甦吾鄉跋涉之困士民德之勒諸貞珉其慶也不知何年迄今鄉人讀是碑者感慨之深不啻峴山也

官書錄

卷上

六

皇朝定鼎之初軍興旁午調發孔亟歷荷賢守令深知吾鄉之疲于供命也格外垂恤一槩雜差盡行豁免催科則兩限併爲一限施恩于洪濤僻壤之民至今遂爲定例上臺批允成案具在用志弗諉以爲後世法

合志云恤役說見陳續志藝文中與通志相符因附錄之又明萬曆四十六年薛憲岳迎春鄉漕白二糧改納太平倉碑記亦載陳續志賦役內其畧云國家度支出于南者十之八長淮以來舳艫相接軍國所需萬不得已然陸行則有車脚舟行則有水脚閩湘江浙之間僻處山陬險當澤國者多所寬恤或改糴或折兌或條編或南運酌其多寡量其輕重苟可以省民之力

咫尺之而以爲便也吾常靖江與蘇之崇明旣得引例而就便矣吾武之有迎春亦邑中崇明靖江也四面瀕湖山多于田雖無差役之擾而兌期相迫奔命爲艱自山南以及湖口遠者六七十里自湖口以及運河又數十里舟小則有中流之險舟大則入港之後上格橋梁下防淺閣且北風當船冰雪叵測父老趨事者及縉紳先生相與憂之乃具聞邑父母董侯因轉之當道得改貯太平倉是役也因存留之數立便宜之規旣無損惟正之供又不多諸鄉之派良法美意自是可傳事定屬紀其始末以示後昆使無忘董侯體恤之至意

武進縣知縣郭給付芙蓉圩優免帖

官書錄

卷上

七

爲低圩役重連災懇恩循例給批優免事據芙蓉湖圩長里甲劉桂朱章際王京憲周奚玳等具詞稱蓉湖爲郡城東北最低之窪自前明撫憲周文襄公築岸成圩爲極低田畝惟賴四圍岸牯堅固稍獲有秋倘一歲不修一處損漏一遭霍雨衝決通圩淹沒故稱九年三哭田又名不麥圩田康熙九年十一年十三年十五年水災肆虐歷蒙各憲捐賑緩徵加意撫恤是以身等具圩民再甦等事呈陞任蘇常道單具圩鄉役繁等事呈水利廳熊具澤國災黎盼憲後蘇等事呈上年署本府趙俱蒙送案加恤申詳一應差徭如大兵絳夫槽刀料樹河夫棹橈等項俱蒙照沿塘沿江等圖一例優免卽今歲天時亢旱荒歉無異昔年民困積勞不堪哀籲

有一番差徭卽有一番差票經胥苛擾之煩反負優恤至意近又將圩民積荷嶮嶮等事具呈蒙批芙蓉湖水鄉本縣深悉困苦一應雜差照例優免所呈修築圩岸卽竭力舉行勿致虛應塞責有負軫恤之至意等因蒙給付各房在案第未奉給帖分散各圖優免無憑德澤未能垂久伏乞恩准給帖分散各圖俾羣黎永沾衽席等情前來據此合行給帖付照仰大甯芙蓉湖二十九都一圖二圖三圖四圖五圖六圖暨二十八都一圖圩長里甲知悉嗣後凡遇應用大兵繹夫槽刀料樹河夫棹橈等項概行優免如有經胥混派苛擾許卽執帖赴稟提究須至帖者

康熙十八年

常州府知府于飭縣勒石芙蓉圩免派雜差札

官書錄

卷上

八

爲圩民之苦已極等事案奉撫院鄭批發本府詳據該縣呈詳芙蓉湖九圖并二十八都一圖里甲吳永卿等呈稱身等圖分坐落湖內俱係修築圩堤伏乞敘詳并照沿江沿塘之例一體免派雜差緣奉批仰將免差成案送閱奪繳等因遵經行仰該縣隨據送到免差卷帖前來又經據情詳送奉批既據查係舊例如詳飭遵等因到府奉此合就飭行爲此仰縣官吏查照憲批來文事理須知該縣芙蓉湖九圖二十八都一圖既有修築圩岸重役所有雜差不得再行混派速卽遵照憲批一例勒石飭禁仍具遵依并刷印碑文送府以憑轉申撫憲查核云云

康熙三十年

常州府知府章詳定黃天蕩優免碑文

爲憲德無私特籲懇據情勒石以廣同仁事奉江撫都院于批該本府呈詳前事據武進縣大甯豐東鄉黃天蕩圩民李華狄玉等呈稱優免雜差緣由奉批如詳勒石繳碑文存等因到府奉此合行勒石爲此仰黃天蕩各圖圩民人等知悉嗣後凡遇雜差遵照沿江沿塘芙蓉圩之例概行優免如有經胥混派希圖需索許卽指名稟究爾等圩民務照該圖界址每于春作未興之先修築圩岸以期鞏固毋得日久懈弛致滋旱潦無備有干法究慎之慎之須至碑者

康熙四十六年

大甯鄉共計六圖半 豐東鄉共計三圖

武進縣知縣孫飭遵免派塘圖夫役雜差碑文

官書錄

卷上

九

爲遵諭具呈求准勒石永除雜派事據懷南區安善西鄉十四都五圖奔牛錢國雄符廷玉王鳳鳴等呈稱身等塘圖最爲勞苦修築塘岸橋梁及天井域河扁擔諸牘費用浩繁啟閉辛苦更兼差司往來看更守宿晝夜不寧較之合邑內圖勞逸不啻天壤荷前任姜縣主稔知此苦其緯夫馬草一應雜差俱行免派至順治十四年該房復行混派里甲錢峯等具呈府憲蒙批塘牘橋梁專責塘圖居民修理人夫雜差槩行免派此正理也仰縣卽給示遵行永爲定例等因行縣蒙縣主馬隨行給示永禁延今數十餘載重叟共沐鴻恩前大兵經臨該房復行混派身隨稟臺下恩蒙金諭俟大兵過畢補具呈詞勒石永禁合遵示具呈伏乞恩准勒石永

禁等情前來據此查批准飭勒石永爲定例并飭該房知悉嗣後兵馬經臨及浚河夫役一應雜差等項概行免派不得違禁開列混派須至碑者

康熙五十八年

計免懷南區安善西鄉十四都三圖 四圖 五圖

十五都一圖 二圖 三圖

懷北區十四都一圖 二圖

武進縣知縣宜循例勒定優免差徭對給孤糧碑文

爲優崇聖裔懇恩循例事據昇西北下聖裔貢生孔名捷監生孔廣譽祀生孔繼岐孔宗等呈詞前事開稱生等忝叨聖裔原籍山東因元末五十五世祖孔紹文孔信仕宦南方遂籍武進元朝至

官書錄

卷上

十

治元年五十七世祖孔紹文奉旨優免大小一應雜差明朝正統元年英宗皇帝詔訪 先聖流寓子孫一體優恤五十九世祖孔英將乞恩事具奏奉旨給常字五十九號勘合所有丁田另立聖裔戶口所有糧米對給孤貧一應差徭盡行蠲免

皇清順治九年

章皇帝詔 先聖子孫照舊優卹六十七世祖孔毓聘將典援歷代恩仰新朝事具呈蒙欽差常鎮道原遵

旨批發本府祖行牌到縣所有丁田仍立聖裔戶口所有糧米仍對孤貧一應差徭盡行蠲免部文道案彰彰現據遵行至今康熙四十七年通族孔興等又以懇恩循例對給并叩勒石永垂事具

呈前任本縣謝蒙批查聖裔戶口不編圖甲一槩差徭盡予優免
所有應完糧米准扣存留對給孤貧從前既有舊例合行勒石遵
循康熙五十八年有聖裔貢監生員孔名捷孔廣譽孔繼岐等具
恐優免對給日久事湮將懇恩照例優免對給批飭勒石永遵事
具呈前任本縣孫批准永遵對給以示優卹至意聽該生等勒石
永垂悠遠可也批呈現據恭遇父母師臺斯文宗主道學淵源來
令毘陵右文重道伏乞優崇聖裔恩將本家奉
旨優免差役對給孤貧循行舊例勒石永垂悠遠則生等通族子
孫世世銜恩而

聖祖在天之靈亦載臺仁於勿替矣等情據此查得昇上北下兩

官書錄

卷上

十一

處聖裔歷朝尊崇優禮所有戶籍丁糧例應優免差徭至於應納
糧米歷經對給孤貧原有成例以示優卹今據前情除經給帖存
案合行立碑凡屬聖裔孔姓丁糧另戶立名完辦免其雜派差徭
至於糧米准循舊例對給孤貧勒石永遠遵行毋違須至碑者
康熙五十九年

右碑在武進縣署頭門內西偏今尙存考孔傳心係元代湖州
路教諭陞教授罷官後僑寓常郡子孫遂占籍至今並建有
至聖分祠在惠化鄉寨橋地方奉文編給春秋丁祭銀兩載在
前志惟于優免後裔差徭各文缺而未及茲檢陳志流寓孔傳
心傳有云至治元年奉旨優恤大小夫差並行優免歷代遵行

之董志并佚其傳又查武陽兩邑檔冊凡聖裔的戶另爲一籍免派一應大小差徭至今未改至應納糧米准扣入存留項下對給孤貧在碑勒固有明文而聖裔戶優免實錄刊本又載有雍正四年惠化鄉聖裔生員孔起孔繼岐等以分隸陽湖伊始赴司呈請立案奉批查照舊例遵行又雍正八年以漕承擅易舊例改對兵糧勒耗扣折呈控藩憲奉批仰府飭縣查照舊例遵行又雍正九年陽湖縣知縣汪察出經承侵蝕前任胡給發孤貧銀兩復令孤貧赴聖裔戶對支取領仍又捏開民欠冊內因議令聖裔戶糧每年按照額數印票撥發傳集孤貧人等對給一面取具領狀一面給發印串兩相交兌以杜經胥侵蝕之

弊詳呈本府核轉申司奉藩憲高批如詳飭遵務絕經胥私領侵蝕之弊各等因據此知雍正年間尙循舊例對給此後改照大例運倉交納未知始于何時逮嘉慶十七八年聖裔戶孔廣隆孔顯宗先後赴府縣具稟請照舊例對給孤貧等情疊奉府札行縣飭查縣中因檔案無文且以遵行漕務成章亦無對給之例難于遽准故控案迄未詳結要在聖裔世邀優典永免差徭食德服疇輸將詎後而在官長仰體

朝廷隆重 先師優恤後嗣之至意其于孔氏的裔子孫除免派徭役之外宜無不曲加體恤也特將各緣由附誌于此以備稽考

陽湖縣知縣李迎春鄉循例免役碑文

爲一鄉沐覆載之恩千載荷生成之德叩賜鈞批勒石以垂悠久
事據迎春鄉里民高錦先陳恩度王文徵陳繡乾秦天與張玉式
秦用祖莊廷恩等呈稱竊照迎春一鄉隔湖險阻離城一百三十
餘里凡有差徭邀恩免派勒有碑墓誌載可考去冬開浚運河工
書仇凌蒼通照合縣大例派差身等以遵奉

聖天子惠養窮黎寓工于賑之至意未敢有悞但恐日後一應差
徭亦照此例舉行不特荒僻編氓離城寫遠呼應莫及反致悞公
抑且歷奉優免之圖碑墓志乘所載成規一朝頓改殊非前賢立
法善意是以將縣書舞弊混派等事上呈府憲蒙送臺查復荷憲

官書錄

卷上

三

臺垂念將迎春鄉一圖陰字二圖是字三圖競字四圖資字五圖
父字六圖事字七圖君字八圖日字九圖巖字田畝前奉均田併
歸一二三三圖近因奉

旨順庄原歸版籍則迎春鄉馬蹟一山俱係遠隔湖心離城百有
餘里上下艱難凡遇公事仍循優免勒石永垂等因詳明府憲蒙
批該地果屬至遠稟詞以免跋涉官長未必絕不曲體人情等因
在案此誠天高地厚之恩賢愚共載老幼咸懷竊恐日久廢弛仍
蹈前轍有負憲德爲此環叩憲階伏乞查照向例俯賜鈞批勒石
永循優免舊例荒陬赤子人人盡沐恩膏僻壤窮檐世世還沾雨
露等情據此合准勒石永垂嗣後如有一應雜辦差徭循照舊例

迎春馬山之上概行優免永遠遵行須至碑者

乾隆四年

陽湖縣知縣潘更定芙蓉圩優免碑文

為復舊制以培國本遵古例以惠圩民叩恩重建碑文光前裕後
事據芙蓉圩民劉仁興等具呈前事內稱芙蓉湖自明永樂年間
巡撫周文襄公築岸為圩成田佈種地極低窪形如仰釜每年定
例奉文勤加修築圩岸為預備水災一有懈弛黃霽水發圩岸倒
塌課命虛懸是以康熙三十五年圩民胡永卿等具呈前武進縣
主王詳奉府憲于詳奉撫憲宋定例圩民只可每年修築圩岸凡
遇一切大小雜差概行優免勒石武邑署前并周文襄公祠內去
年奉

官書錄

卷上

四

旨開河傳諭各鄉圖地保領帑僱夫身等恐該房混派將優免情
由公求前署縣主沈恩蒙給示照例優免祇緣康熙年間田畝均
庄雍正年來改作順庄碑文所載鄉都圖分今古不符又兼武邑
分隸陽湖胥役變更年深月久案卷難稽且武邑署前碑記已廢
雖周文襄公祠內碑記尙存坐落圩鄉未能通縣周知若不公籲
重建碑文署前以垂永久或恐遇差混派臨事周章圩民受累伏
乞改正鄉都圖分載明優免規條永遵舊例合圩頂德等情粘呈
碑摹信牌告示并開實在圩圖九圖半到縣查得該圩區圖久經
勒石優免祇因未分縣以前名目稍異恐滋藉混隨經飭查更定
去後卽據該圩地保范廷獻等并原呈劉仁興等覆稱原碑所載

一切雜差概行優免未曾分列規條難免經書藉混如挑撈河道
剝運船隻修築城工差案繇夫一切僱辦大小差務並懇明示碑
記庶免臨時周章至于分縣時大甯分出豐北政成分出豐南原
碑所載大甯鄉共七圖半今坐落圩中實止豐北鄉二十九都一
二三五六七等六圖政成鄉二圖半實係豐南二十六都五半圖
二十七都五六兩圖尙有政成二十五都二圖原碑失載應請增
入其大甯二十七都七半圖二十八都一圖俱係坐落圩外應請
刪除等情前來據此爲照該圩業于去夏經前署縣沈因勘水潦
之便查繪圩圖在案今核與據呈實在坐落圩中之九圖半相符
合行更定重勒碑記署前永遠循舊優免以杜混冒須至碑文者

官書錄

卷上

五

乾隆二十四年

計開實在坐落圩圖應免九圖半

豐北二十九都一二三五六七共六圖

豐南二十六都五半圖二十七都五六共兩圖

政成二十五都二圖

合志云乾隆三十一年縣詳圩民具呈遵例修圩叩恩免捐緣
由奉府批准附錄于後 芙蓉圩各圖旣具詳碑載一切挑撈
等差概行優免等語所有開浚孟瀆德勝等河工程如詳免其
捐輸至該圩圩損堤岸開壩仰卽委員查勘應修之處督令循
照業食佃力之例務須如式修築高厚堅固以資捍衛工竣具

報本府親臨驗勘母任草率干咎

陽湖縣知縣汪淮補勒黃天蕩循例優免碑文

爲銜情再叩永誌頌德事據黃天蕩民范舜齡郭步雲等呈稱身
等黃天蕩圩民前經具稟蒙憲金批查芙蓉圩黃天蕩內圩田一
切差徭概予優免之處歷有成案何必建碑等諭伏思身等蕩民
自康熙四十六年武主通詳各憲與芙蓉圩一例勒石優免差徭
因已年久迨後分隸陽湖經書未悉動輒混派每每臨事周章已
非一次以故芙蓉圩民劉仁興等于乾隆二十四年今府憲循攝
陽篆時呈奉勒石署前以垂永久身等蕩民未蒙補勒幸逢憲駕
蒞任于茲去年奉文按田捐浚孟瀆德勝南運三河蒙賜詳准身

官書錄

卷上

夫

蕩與芙蓉圩一體免辦恩同日月德沛甘霖身等蕩民戶口萬家
感激無旣爲此再叩憲階恩賜勒石則憲德永著千秋草野銜恩
不朽等情到縣據此爲查該蕩優免一切差徭專修蕩內圩岸向
例如斯茲據前情合行准補勒石以垂永久爲此仰該蕩民遵照
須至碑者

乾隆三十二年

計開大甯鄉三十都一圖 三圖 四圖 五圖 六圖

七圖

三十一都五圖 八圖 九圖

豐東鄉三十三都一圖 三圖 五圖 六圖

武進縣知縣何詳定派浚章程及循例優免碑文

爲呈請核飭遵照事奉本府棟憲行內開奉藩憲吳道憲楊行文奉督院高撫院薩批行前事緣由到司行府轉縣奉此查此案乾隆三十三年三月十八日奉前陞府潘批發陳朝玉陳長春沈元祖楊俊發等請免各役批行查議十一月十八日又奉前陞府楊憲行一件內開十一月初九日奉藩憲胡批據生監姚尊璐葉紹宗邵貞儒陳平侯等呈稱安西八圖水陸衝衢一切開河兵役概准優免孟德二河詳定派浚章程混派身等通圖田畝等情奉批仰常州府查議詳報等因轉行到縣又先奉前署府閻憲行據沈元祖楊浚發等以安西十四都三四兩圖不沾孟河水利等情具呈行查隨弔孟德二河原議善後章程並逐圖核勘查章程原議

官書錄

卷上

七

五年大修除運河西南一帶及陽邑各圖坐落較遠沾利稍差者毋庸均派外凡兩旁沿河各圖及支河汊港有沾水利各圖照業食佃力之例均分段落並力疏浚今勘查安西十四都一圖沾孟河水利田一千一百畝十四都二圖沾孟河水利田五百三十畝不沾孟河水利之田自難派及其坐落孟河沾水利者自應分段開挑其餘各鄉圖並無田畝坐落運河俱係得沾孟得二河水利地勢昭然奸圖地保似難弊混效尤滋訟至安西十四都三四兩圖小孟河雖爲大孟河支汊但小孟河康熙二十三年纂志卽載淤塞迄今年遠田疇賴資運河之水灌溉無虞現仍淤塞不沾大孟河水利大孟河開浚自應免其議派設將來小孟河議及開浚

與大孟河相通該二圖雖坐落小孟河南段與運河相接卽不派
段開挑亦應協濟築壩工程似爲平允再查塘圖免派別差非今
伊始卽如乾隆三十二年動項修築塘工案內奉前陞府潘刊發
規條內開一修理塘路需用人夫向於沿塘村庄就近僱募原有
坐定修塘之圖歷來免派別差等因蓋塘圖一逢雨水塘路殘缺
恐悞郵傳卽出修整是以較之內圖實屬差繁安西等圖因舊碑
字跡模糊呈請改刊新碑議及孟河水利相應確議繪圖詳覆等
由奉陞任本府梁轉詳藩憲核詳院憲奉兩江總督部堂統理河
務高批開仰卽如詳轉飭遵照妥辦取碑摹送查又奉署江蘇巡
撫部院薩批開均如詳飭遵取造細冊同另立碑摹通送備案各
官書錄

卷上

六

塘圖

安西十四都一圖 二圖 三圖 四圖 五圖

十五都一圖 二圖 三圖

鳴鳳十六都四圖

懷南十九都一圖

懷北一都一圖 二圖 三圖 四圖 六圖

二都一圖 三圖 四圖 五圖

三都三圖 四圖

署陽湖縣知縣蕭奉府飭准東塘補勒優免碑文

爲公求循舊補勒以垂永久事照得塘門橋梁遇有損壞向責塘圖專辦其餘一應雜差俱免順治十四年據里民具呈府憲批示塘門橋梁專責塘圖居民修理人夫雜差槩行免派此正理也仰縣卽給示遵行永爲定例至康熙五十八年大兵過後又據里民呈請勒石示禁當經前武進縣孫批准勒碑遵守在案今據周洪德陳崢嶸等呈稱身二十一圖坐落東運河沿塘上連武進下接

官書錄

卷上

六

錫金水陸均關要衝不特歲需修築塘路兼多差使絡繹晝夜不甯非內地鄉圖安閒者比是以康熙五十八年未經分治之時呈奉勒石武邑署前除在塘差使以及專修塘路橋梁外一應挑撈河道築堤戽水大小差徭槩行優免以均勞逸近雖舊碑墳失乾隆三十二年奉前陞府憲潘飭修塘路頒發規條修塘須用人夫向於沿塘就近僱募原有坐定修塘之圖歷來免派別差今應照舊僱募不得濫及別圖又于乾隆三十六年挑浚運河亦奉府憲將塘圖飭刪免辦惟恐日久無憑遵守經書朦混派擾呈請補勒以垂永久等情據此合准敘案補勒爲此仰後開沿塘各圖里民人等遵照嗣後爾等塘圖每歲照舊專辦塘門橋梁并辦在塘差

務其餘一應挑撈河道築堤厚水剝運等項人夫雜差均行優免
永杜混派須至碑文者 乾隆三十八年十月

計開孝仁四十七都一圖 三圖

豐南二十七都四圖

豐東三十二都一圖

政成二十四都一圖 二圖 三圖 四圖 五圖

六圖 七圖

二十三都八圖

二十五都一圖 三圖 四圖 五圖 六圖

七圖 八圖 九圖

官書錄

卷上

辛

定西二都一圖

署武進縣知縣李奉憲飭禁違例派累示

爲遵批曉諭事照得上冬奉委分挑丹邑運河因該地僱夫不敷
趕辦卽於本邑沿塘各圖添僱夫工攢挑去後旋據馬振乾蔣炳
若等赴前府憲馮案下以違禁混派等事具稟內稱生等沿塘專
辦塘務以利郵傳各憲洞鑒苦情勒石永禁凡有開河兵役以及
雜差概行免派且邑志備載彰彰可考無何禁諭雖嚴經承舞弊
玩違疊混派擾前已呈縣飭禁各房在案不料成規方定墨跡未
乾而經承卽派塘圖僱夫赴丹邑開河爲亟粘呈碑禁飭諭改辦
等情奉此確查到縣本縣查案具詳奉本府正堂成批開仰再示

禁嗣後沿塘各圖一應雜差概行循舊優免不得再行派累滋擾如詳銷案等因奉此合行出示曉諭爲此示仰沿塘各圖地保居民人等知悉嗣後開河兵役以及一切雜差遵奉憲批概行循舊優免倘有派累滋擾許卽指稟以憑提究各宜凜遵毋違特示

乾隆四十五年六月

合志云乾隆四十四年冬先是本邑開河自大龍嘴至德安橋止沿塘俱邀優免旣而丹邑飛差經承復撥塘圖僱夫承辦馬振乾等赴府控告奉批行縣查辦因有此示

署武進縣知縣湯飭遵免派示

爲環求示禁事據舉人葉詔封生員陳大倫監生葉公藻陸紀清官書錄

卷上

三

周福占蔣玉昆等稟稱舉人等各圖坐落沿塘上下通衢郵傳絡繹塘岸橋梁時需修築差務繁劇專司最重自康熙三年均田均役始頒定例塘辦塘工雜差豁免不惟邑乘可考卽江南通志悉經具載歷蒙各憲循例優免詳奉勒碑刊條永禁祇因碑豎鄉鎮未立署前書差不能觸目驚心每遇工務動輒混派轉滋訟端及至臨事稟陳鄉民已受拖累茲奉府憲飭查支河汊港應挑應緩案內與舉人等優免各圖無涉乃役書並不分別免圖名目仍復混行擾派現奉票差一體着保造冊稟勘派撥開挑將舉人等復派滋擾一任效尤成章紊亂瀝情環籲伏叩俯准給示申禁俾各遵例恪守永杜擾派等情前來據此查懷南懷北鳴鳳安西沿塘

各圖久經立案優免開河兵役草束雜差現奉府憲轉奉藩憲飭查境轄各圖內蓄水車戽得資水利之支河汊港應挑應緩造冊飭辦非比運河通力合作之沿塘各圖可邀成案優免合行出示曉諭爲此示仰地保居民人等知悉速將各該圖內得沾水利之支河汊港分別應浚應緩造冊呈送飭辦一面將應浚圖內得沾水利之支河汊港趕緊集夫自行挑浚毋得妄希優免觀望致悞要工其通力合作河工兵役草束役開雜差原照前定成案章程沿塘各圖循例優免各宜凜遵毋違特示

乾隆五十六年十二月

署陽湖縣知縣石奉府飭准定西二都三圖循例優免碑文

爲圖同役異等事嘉慶十一年十一月二十一日奉前署府正堂

官書錄

卷上

三

張批發生員袁廷吉監生袁新煥徐步等詞稱塘圖向辦塘工雜差概免于乾隆三十八年奉經立案勒石續于六十年塘圖李琢立等呈奉一體優免案錄求電生等本圖半跨教場半跨茶山內地塘工一律承辦兼值各憲閱兵武場碼頭壩座等差較別塘圖尤屬偏枯生等環叩陽主求詳優免雜差恭逢大憲視民若赤不使一夫不獲民役豈容偏抑用敢激切匍號恩准飭縣議詳一體優免等情批飭查案議詳到縣並據該生員袁廷吉等具稟前來查該圖雖係坐落沿塘下岸然有歧跨教場每遇督提兩大憲臨常閱操該圖辦理教場碼頭壩座及撈鬮運河敲冰糧艘過境等差業經查案于本年二月二十五日詳奉本府正堂瑋批開如詳

飭令勒碑遵守取摹送查此繳等因到縣奉此合行飭知爲此仰該圖地保遵照嗣後照例協辦在圖教場閱操碼頭壩座及幫撈運河敲冰差務其開挑河道築壩戽水剝運礮春倉內挑夫及一切飛差概行優免毋違須至勒石者

嘉慶十二年

陽湖縣知縣張奉憲飭勒南塘優免碑文

爲憲德同仁等事案查乾隆六十年二月二十七日奉前府憲胡行內開據該縣生員李琢立職員王憲邦陳中孚陳俊賢王景義李宗顯李綺巖李嘉顯王奕臨張賓南赴府呈稱生等住居陽邑南運河沿塘與武邑塘圖接壤向例專辦塘工雜差豁免武邑塘圖曾據葉詔封等環叩請示而陽邑塘圖未奉給示叩賜查案以

官書錄

卷上

三

免混派擾累等情到府據此查生員李琢立等是否俱住塘圖應一體優免雜差令行飭查等因到縣卽據生員李琢立職員王憲邦張賓南等稟稱生等南運河自仙衍橋上接武境起至五洞橋與宜邑交界止綿長五十里歧跨十一圖歷奉派築修造在圖塘路水柵並糧艘過境俱係塘圖承辦並不派及內圖而塘岸迤南卽係瀟湖沿塘支河俱係通湖要道更多水柵看守防禦稽查之責武邑沿塘久邀優免各差生等塘圖仍然役外添役差上加差是以銜情具稟府憲送案議詳伏查東運河沿塘各圖于乾隆三十八年奉憲勒石優免挑撈河道一切雜差爲此公籲俯賜查案詳請勒石優免挑撈等項雜差生等塘圖得專辦在塘橋梁水柵

并看守修築諸工差務勞逸得均等情據此當經前縣核案據情
于是年六月初一日詳奉署府正堂葛批開如詳飭令勒石遵守
仍擬具碑式送候飭遵等因奉經前縣并將延政二十一都六圖
二十都五圖生員劉召拔等以呈叩附詳等事一體飭遵在案茲
奉府憲批據該縣生員李琢立監生陳學翰等赴府具稟請給優
免碑示復鑄遵守等情飭卽查明碑式核發鑄石遵守等因到縣
奉此合行飭遵爲此仰延政鄉二十都三圖五圖二十一都六圖
二十五都一圖二圖三圖五圖惠化鄉二十三都四圖二十四都
一圖二圖三圖四圖昇西鄉七都四圖各地保知悉嗣後遵照專
辦在圖塘岸橋梁水柵並看守修築諸差務其餘挑撈河道及一

官書錄

卷上

五

切雜差概行優免毋違須至碑者 道光五年三月

目 以上優免各款並係歷有碑文帖據者刊載如左餘詳後

現在優免總目

武進縣

坊廂

至城鄉城一圖 二圖 西右廂 河南廂

德澤鄉四十四都一圖 亦係坊廂 二圖北半圖 向係坊廂一
例優免

塘圖

懷南鄉十九都一圖 本係坊廂又屬沿塘

懷北鄉一都一圖

本係坊廂又屬沿塘

一圖 三圖 四圖

六圖

一都三圖 四圖 五圖

三都三圖 四圖

鳴鳳鄉十六都四圖

安西鄉十四都一圖 二圖 三圖 四圖 五圖

十五都一圖 二圖 三圖

以上二十圖專辦修築西塘驛路橋梁巡邏敲冰餘差概免

懷北鄉二都一圖

本係坊廂又屬沿塘

一圖

官書錄

卷上

三

懷南鄉十九都二圖 三圖

二十六都一圖 二圖 三圖

以上七圖專辦修築南塘驛路橋梁巡邏敲冰餘差概免

欽恤戶

明御史王忠愍公章

鳴鳳鄉十六都一圖

內

田二百五十三畝五分九釐王恩祠戶

聖裔戶

至聖五十五世孫孔傳心後

孝西鄉十三都二圖

內

田四百五畝六分三釐

府縣學田

鄉圖田數詳輿地志鄉都內

營田

孟河營

通江鄉十都一圖內田二百一十一畝二釐

案本縣沿江各圖舊有歲修營房馬路等差迨後營房由縣承修馬路坍削文報皆由沿塘往來是以歷屆開河一律派及由來已久

外縣

陽湖縣各坊廂各鄉又各外縣戶籍有置田在本縣例應優免者其田亦一律免差

陽湖縣

坊廂

至城鄉東右廂 中右廂 左廂

官書錄

卷上

三

孝仁鄉四十七都六圖亦係坊廂

塘圖

豐南鄉二十七都四圖

豐東鄉三十二都一圖

政成鄉二十三都八圖

二十四都一圖 二圖 三圖 四圖 五圖 六圖 七圖

三十五都一圖 三圖 四圖 五圖 六圖 七圖

八圖 九圖

孝仁鄉四十七都一圖 二圖 三圖 五圖

夾城圖

定西鄉二都一圖

三圖

此圖係沿塘下岸又歧跨教場協辦閱操碼頭壩座及甬撈運河敲冰差

務詳前碑文內

定東鄉四都四圖

六圖

八圖

五都一圖 二圖

安尙鄉二十都三圖

二十一都二圖 三圖

以上三十三圖專辦修築東塘驛路橋梁巡邏敲冰餘差

概免

延政鄉二十都三圖 五圖

官書錄

卷上

毛

二十一都六圖

二十五都一圖 二圖 三圖 五圖

惠化鄉二十三都四圖

二十四都一圖 二圖 三圖 四圖

昇西鄉七都四圖

以上十三圖專辦修築南塘驛路橋梁巡邏敲冰餘差概

免

圩圖

豐北鄉二十九都一圖 二圖 三圖 五圖 六圖 七圖

豐南鄉二十六都五半圖

二十七都五圖 六圖

政成鄉二十五都二圖

以上九圖半專辦修築芙蓉湖圩岸插壩餘差概免

大甯鄉三十都二圖 三圖 四圖 五圖 六圖 七圖

三十一都五圖 八圖 九圖

豐東鄉三十三都二圖 三圖 四圖 五圖 六圖

以上十四圖專辦修築黃天蕩圩岸插壩餘差概免

馬蹟山

迎春鄉十七都一圖 二圖 三圖 四圖 五圖 六圖

七圖 八圖 九圖

官書錄

卷上

天

以上全鄉九圖僻處湖心縣中一應大小差徭概免

欽恤戶

明御史劉忠毅公熙祚王忠愍公章

劉宗發

定西鄉豈字號田五分 豐西鄉海字號田三畝三分六釐 河字號田六畝二分三釐

王恩錫

左廂箴字號田四分 定西鄉鴈字號田一畝一釐 豐東鄉夜字號田四畝五分八釐 至聖五十五世孫孔傳心後

聖裔戶

延政惠化昇西三鄉內田七百六十四畝有奇

戶縣學田

鄉圖田數詳輿地志鄉都內

外縣

武進縣各坊廂各鄉又各外縣戶籍有置田在本縣例應優免

者其田亦一律免差

常州府知府汪淮免鄉圖地保比緝竊盜案示

爲恩期垂久等事據武進縣懷南懷北安西鳴鳳等鄉廩生周應基生員馬佩璵監生方振潘襄王烜王潞王錦生員岳澗王聘耆民陳邦達等赴府稟稱民間地保按田輸充領催漕糧協差拘攝詞訟人証至捕盜巡緝應專責捕役每遇竊盜牽畝地保依限並比經前陞憲羅札飭各屬凡遇盜竊責令捕役緝拿不得波及地保上年城廂叩請武主詳蒙恩准在案竊惟鄉保無論士農均有輪保之責今雖已奉革除恐日久弊生書承復萌故智一經牽砌解脫無由環叩給示勒石永遵等情具呈前來除批候照案給示

官書錄

卷上

五

勒石永禁等因榜示并移廳檄縣遵照外合行給示曉諭爲此示仰該圖居民人等知悉嗣後凡遇竊盜案件一經呈報地保有巡防之責疎懈失事不能無過由官立時責處省釋專責捕役緝拿如無弋獲將玩捕分別提比解比若經胥舞弊波及地保並比許卽指名稟究以憑懲辦各宜凜遵毋違特示

道光十四年

台志云道光十二年本府羅洞鑿情弊專札通飭遵辦在案十三年武進縣知縣姚復詳請立案再賜通飭各屬並諭各承一體遵照本府汪及總捕廳崔均如詳批准續奉府札通飭遵行至十四年武進縣各鄉生監等更聯名呈府環求給示勒石以垂永久

卷下

常州府知府于禁塞翁申橋開碑文

爲串蠹僞憲行造謀塞橋開病國病民萬姓倒懸事卷照武進縣大甯鄉里民沈芝龐上金元是之等呈控朱廷楨等賄通縣工房呂方國縣差丁祥拆毀翁申橋開填塞緊要水口毀滅勒禁石碑等情前來隨經本府提禁各犯當堂嚴審將被犯經承嚴加究懲曾有招斷在案并行縣押朱廷楨等著令將翁申河照前開通勒令備料鳩工復建橋開限半月完工取遵依結去後未據完報今據原呈沈芝等呈爲憲斷判招已定叩恩勒石永禁以垂不朽事

官書錄

卷下

一

詞稱地有翁申河橋開上通郡治下接澄江鹽漕貨船出入必由早蓄滂洩田禾攸賴設橋以通往來建開以備旱澇近有奸民朱廷楨等惑信堪輿賄買工書呂方國皂役丁祥持票統眾於七月十九日將翁申河橋開立時拆毀填塞水口萬姓驚惶叩串蠹僞憲行等事籲憲隨奉嚴提究審痛懲奸蠹革役追贓着令朱廷楨等照前開河復建橋開限半月完工朱廷楨莊聖符朱瑞峻朱亮臣素制殃民各懲以儆身等仰荷憲恩深幸河通利濟常免拋荒凡在農民均沾水利靡不焚頂朝夕惟慮憲位不日三台異日天高聽遠奸民故智復萌爲此公叩憲天飭賜印鈐恩准勒碑永禁阻塞保護開橋憲德江河並遠萬民歌頌千秋矣等情前來據此

合行勒石永禁爲此卽着鐫勒石碑監立該地公所日後永禁奸徒填塞刷印碑文呈驗并取丁祥等革役遵依朱廷楨等橋閘完工結狀依限送府以憑查附結案施行須至碑者

康熙三十五年

武進縣知縣朱禁止宜民開壩放水碑文

爲活殺真命事案蒙本府正堂包信牌開蒙按察司徐憲牌開奉署督部院范批本司詳已故張光卿等致死儲永文案招由蒙批仰候撫院批示繳奉江撫都察院陳批開儲晉侯等如詳減等發落監斃張光卿之管獄典史李浩從寬記過一次取遵依報查併候督部院批示繳等因到司奉此合就抄看發落仰府文到遵照院批司看事理立提儲晉侯等到案按照原擬減等發落其油榨

官書錄

卷下

二

蕩仍令武邑郭廷伯等築壩勒石永禁不許宜民越界開掘以杜爭端仍取遵依通報毋違等因到府蒙此合行抄粘轉飭爲此仰縣官吏立提儲晉侯等到案按照原擬減等發落至油榨蕩仍令武民郭廷伯等築壩勒石永禁不許宜民越界開掘以杜爭端仍將發落緣由併勒石永禁遵依一並送府以憑轉報覆憲結件等因計抄粘司看一紙到縣蒙此除提儲晉侯等照擬發落外合行勒石永禁爲此碑仰武宜兩邑農民遵照嗣後油榨蕩水止許武民車戽其宜民原有陸家蕩水可以車救各車各水灌溉田禾所有中築一壩武民不時修整堅固不許宜民越界開掘以致油榨蕩水放入陸家蕩內永杜爭端除取各遵依呈送外如宜民仍敢

恃強掘壩許武民卽時控稟以憑提究各宜凜遵毋違須至碑者
雍正五年

武進縣知縣趙永定濠江利大二河派浚碑文

爲黨棍朦官等事切照武邑城北濠港利大二河因預籌開浚江
口連年訐訟經前縣陞任趙令勘詳奉院司各憲批行勒石在案
嗣因兩河民人于國祥范有成等復上控奉行照議蒙前署本府
正堂王親詣該河查勘情形喚訊兩河居民確供請將嗣後江口
分汶以南之濠港河淤塞不得扳批利大分汶以東之利大河淤
塞不得扳批濠港此固弟兄竝列各浚各河無容再議惟江口一
千二百丈之工遇有修浚應作六分均派着江口四圖承修二百

官書錄

卷下

三

丈利大四圖承修二百丈其餘八百丈着濠港之一十八圖承修
蓋以祖河衍流不得使江口居民獨任其勞而濠港與利大反處
其逸也等因具詳藩憲安蒙准核詳內開查得武進縣境內濠港
利大兩河一案緣濠港河道於乾隆四年間動帑募夫據該河民
人于國祥等以利大河藉資濠港通潮應行協募具呈前撫憲張
批司飭勘利大是否必須通洩之處果否應浚妥議詳報等因奉
經轉飭查勘間又據利大河民人萬有成等以利大河自浚本河
不動帑項不派他河元年會集循理鄉四圖捐浚深通去年亢旱
仍復捐修利大不資濠港之水濠港不分利大之流况濠港得占
水利田畝二十餘圖較之利大四圖多寡懸殊旣領帑金何難僱

募必欲派令利大河民請免應募等語並呈前憲批飭查覆均經
行據常州府徐守詳稱武進縣具詳看得溧港江口分支處計程
四里乃利大藉以通潮灌溉必經之地未便任其止浚已河而置
溧港於不問但利大之資於溧港者止在此四里請將江口起至
利大分口處計長一千二百丈均作三分溧港圖多田多承募三
分之二利大圖少田少承募三分之一如遇歲修均照此承辦等
情到府核轉間隨據江口馬橋圩塘四圍民人薛元張棟高林張
樞陳珍吳玉張金等稟稱身等江口四圍歷來民浚坐開江口工
段照章岸水得利田畝按畝派開早晚便於出入飯食便於往來
永作成規請嗣後江口工段儘身等附近農民承浚具結申府議

官書錄

卷下

四

請各浚各河轉詳到司當經陞司據情詳奉前憲批允勒石遵照
在案續據武進縣民人于國祥呈稱武邑溧港河牯口開挑計長
一千二百丈利大應分三分之一溧港應分三分之二縣詳勒石
永定章程棍黨薛元等誑府獨任承修亦准勒石今又捏詞弊混
毀碑口開以免浚河環顧飭縣畫一以定章程等情呈奉前憲批
司轉飭秉公確查詳奪等因准據常州府魏故守詳覆到司因查
所議未協又經駁飭去後今據該署府王守勘訊明確議詳前來
本司覆查武進縣利大溧港兩河俱藉江口總河一段計長一千
二百丈通潮以資灌溉實溧港利大二河咽喉也從前武進縣趙
令議以溧港承修三分之一利大承修三分之一利大河居民萬

有成等不欲協浚一分夫工而已革鄉總張君輔卽張棟遂誘令薛元等七人具呈捏結獨認開浚江口總河前府遂有各浚各河之議利大河居民因得免其協浚之一分矣迨陞司轉詳院允之後前府又不將薛元等七人具結認浚江口總河敘明勒碑立石江口是以丁國祥等呈縣一體勒碑該縣飭立碑內遂指出七人名姓并開明承認河身丈尺而薛元等見碑勒切實恐有貽累復具呈不認江口居民高升太等具呈不能獨浚江口總河到府又飭毀武邑所勒之碑并議利大居民修理閘座冀免浚河以致于國祥不甘復又上控也查江口總河一千二百丈實澡港利大河之咽喉而總河兩旁之田畝亦得沾水利之益從前各浚各河

之議似未平允今據該署府議稱江口總河一千二百丈嗣後如遇修浚令澡港一十八圖承辦八百丈江口四圖承辦二百丈利大四圖承辦二百丈其分汊以南之澡港及分汊以東之利大俱在江口總河之外應令仍循舊章各浚各河毋得扳扯滋訟似屬妥協應均如所議飭令勒石永遵相應具詳伏候鑒奪批示飭遵等因奉蘇撫部院陳批司議詳武進縣境內澡港河民于國祥等利大河民萬有成等互控一案緣由奉批查武邑澡港河道攸關田疇水利乃屢議屢更皆由地方官惑於飾詞以致經年拖累徒供蠹胥訟棍之魚肉究於鄉民無益今據該司覆核允平仰飭該府將江口總河一千二百丈澡港一十八圖承辦八百丈江口四

圖承辦二百丈利大四圖承辦二百丈餘令仍循舊章大書勒石
永遵此繳等因下縣蒙此合行勒石永遵爲此碑仰後開各河鄉
圖人等知悉江口總河一千二百丈如遇淤塞俱各遵照憲定章
程辦理其餘他河仍免爾等鄉圖募夫均毋違示須至碑者
八年

計開

淩港河一十八圖

循理鄉三十四都一圖三圖伍圖六圖七圖

三十五都三圖四圖五圖六圖七圖

依仁東鄉三十六都一圖二圖三圖五圖

官書錄

卷下

六

三十七都一圖六圖

德澤鄉四十五都二圖三圖

江口四圖

依仁東鄉三十六都四圖

三十七都七圖八圖

三十八都一圖

利大河四圖

循理鄉三十四都二圖四圖

三十五都一圖二圖

陽湖縣知縣聖禁止營房墩臺派擾碑文

爲仰沐恩批事乾隆十八年五月二十八日蒙本府胡憲牌內開
案據該縣具詳下埠汎營房墩臺照例動支歲修銀兩尚員修葺
從無累及地保里民之事至水柵因近稅關歷奉關憲差員查釘
亦無滋擾情事等情到府當批據詳已悉仰速出示飭禁具報毋
任稍有借端擾累干咎等因去後又經飭行永禁在案今據陸和
澤陳純熙等將謝憲洪恩普照還求勒石永垂事具稟前來據此
合飭勒石永禁爲此仰縣官吏文到卽將下埠汎營房墩臺水柵
凡遇修葺務須委員專辦嚴飭該員不得轉着該地保正里民辦
理致滋擾累立速勒石永行禁革仍取碑摹送查毋得違延速速
等因蒙此除修理該地下埠汎營房遵奉憲禁飭令委員修理不
官書錄

卷下

七

得派擾累民其水柵損壞隨時具報申詳關憲修釘永遠遵照外
合行勒石爲此仰該地里民人等知悉永遠遵照須至碑者

乾隆

十八年

陽湖縣知縣常禁止汎房墩臺派擾碑文

爲叩恩一體勒石仁政永垂遵守事據新塘鄉十五都一圖地保
郁惠林高元法具稟前事內稱太湖營百瀆一汎坐落身圖地界
歲修汎房墩臺暨關憲修釘椿柵奉文給價委員專辦從未累及
地保里民此誠憲德汪洋小民感沐靡涯惟憲治地方馬蹟一山
山有六汎沿湖有鄰圖接壤之下埠汎與身圖百瀆共有八汎七
汎俱奉勒石永禁身圖百瀆一汎未邀勒石用敢抄勒碑摹瀝情

環叩伏乞一視同仁俯准勒石永垂遵守等情到縣合行勒石一體永禁爲此碑仰該地保及愚民人等知悉永遠遵照毋違須至碑者

乾隆三十六年

陽湖縣知縣馬永禁屍場陋規碑文

爲遵檄永禁事案蒙本府正堂蔣憲行蒙兼署按察司憲行蒙前護撫院慶憲行檄飭勒石永禁屍場陋規等因下縣蒙此查報驗命案輕舟減從內跟隨人船隻小轎等項俱係自行給發其差役及刑招書件作軍夜轎傘人等船隻概令各自僱備不得藉端需索節經出示曉諭在案茲奉前因合行勒石永禁爲此示地保書役人等知悉嗣後遇有報驗命案一切乘坐船隻食物永行禁革

官書錄

卷下

八

毋許累及閭閻倘有故違卽指名稟究其該保有應備臨場器具什物仍宜備辦妥協不得推諉耽悞各宜凜遵毋違碑示

嘉慶五年

年 碑在陽署前

武進縣知縣汪無屬水陸斃屍由堂報驗收埋碑文

爲勒石永禁事奉府正堂程札開蘇州府移蒙署按察司王批敝府詳各善堂董開呈查看水陸無屬斃屍有無傷痕分別報驗收埋各條議覆緣由蒙批旣據該府覆核該堂董等議呈各條均屬妥洽自應飭屬畫一遵循仰卽將各條臚列曉示頒給捐牌分發所屬各堂諭董遵辦一面抄錄各款轉飭所屬廳縣暨分移江甯等十一府州廳飭屬一體辦理先將飭發示牌錄式呈司備查並

候由司換頒護照另發各堂董具領此繳摺存等因到府蒙此除
出示曉諭并飭各屬及各堂董一體遵辦外合亟抄粘示式移遵
等因到府轉飭遵辦到縣奉此合行照錄各條勒石永禁爲此碑
仰居民地保差件人等知悉嗣後如遇水陸無屬斃死聽堂董督
保查看分別有傷無傷按照後開臚列各條有傷者捐費填單報
驗棺交地保收管聽官詳緝與堂董無涉不傳地主地隣訊供取
結滋累其無傷之屍卽行捐棺殮埋義塚如差件人等敢再違例
需索凌辱堂董以及地匪擅敢串冒屍屬藉端滋擾有妨善舉許
堂董指名具稟以憑嚴拿盡法重處決不姑寬各宜凜遵毋違須
至碑者

道光四年

官書錄

卷下

九

計開

一查看水陸屍身頭面有刀截繩勒手足被縛及跌磕被毆傷
痕或顏色發變之處用手按捺堅硬青紅色似係傷痕者又
居民門首河干空地坟旁野厠自縊自盡服酒服毒竅有流
血者以上各屍如無屬出認仍照舊章由堂捐費填具聯單
報縣驗殮棺交地保收管聽官詳辦不傳地主地隣訊供滋
累如有差件地棍勒索滋擾許堂董卽行稟究

一查看屍身頭面並無刀截繩索網縛等傷痕皮肉雖有發變
之處用手按捺柔軟非係堅硬及肚腹低陷面色痿黃係無
傷病故查無屍屬出認卽遵憲飭捐棺殮埋毋庸報官相驗

仍將年貌服色遺物登簿按月彙報府縣示召屍屬認領以上各屍俱聽堂董看明無傷遵諭捐棺殮埋倘有地匪棍徒差役人等攔殮勒報以圖滋擾者許堂董地保指名稟究一水陸斃屍有吃食碗鉢籃棒者應否報驗聽親屬自主與堂董無涉

一堂董看明實在無傷無屬捐棺殮埋之後倘有奸民冒屬圖詐或係的屬藉此圖詐捏稱有傷赴官呈控及奉訊明捏控棍等以誤一言了事而堂董已遭拖累應先着具稟之人指明亡者姓名年貌服色住址於何月日因何事與何人爭毆何處致命重傷出具如虛愿甘反坐切結呈縣照結訊辦或稱生前另有別故致死亦著指出證據查辦與具屍捐殮之堂董無涉概不並結滋擾如無實據不愿具結者立案不行若詳請開檢虛誣者照律治罪

武進縣知縣姚無屬水陸斃屍由堂報驗收埋碑文

爲轉飭事奉府正堂羅札奉署按察司葆札開照得江蘇各州縣城廂市鎮五方雜處凡遇往來斃獨或因病倒斃於路或失足溺斃於河均所常有地主報驗差忤人等藉屍詐擾傳訛滋累以致居民地保畏累不敢報官屍遭停暴遺棄朽殘殊堪憫惻前經由司通飭各屬諭令各善堂董專司查察遇有路斃浮屍以及荒塚野厠道旁等地自縊自盡無屬出認者由堂捐費捐棺填具聯單

報驗殮埋不傳地主地隣訊供以杜差役藉端勒索之漸如係吃
丐斃屍經丐頭查無別故丐頭卽與屍屬無異赴堂領棺殮埋毋
庸報驗至於水陸斃屍亦飭令概由堂董協保查看屍身有傷者
報驗棺交地保收埋聽官詳緝無傷者卽由堂捐棺殮埋毋庸報
驗按旬送縣召屬認領通行各屬諭董遵循由司頒發護照給董
收執在案立法已極周密嗣據儀徵縣議請有傷屍身由保報驗
無傷斃屍由堂報驗致有參差現屆天時暑熱如遇路斃以及河
內浮屍理宜速爲辦理不容稍事遷延本署司訪聞現今凡遇水
陸斃屍無論有傷無傷一概均須報驗各善堂慮書差件作藉端
需索畏累不前以致屍身腐爛暴露朽殘不特與原定章程不符

官書錄

卷下

七

殊失善舉之道合亟札飭札府立卽通照轉飭所屬諭令各善堂
董事務遵原定章程凡遇水陸斃屍責成地保投報堂董協保看
明無傷者卽由堂捐棺殮埋義塚插標記認立簿按旬報縣召屬
認領有傷者由堂填具印發聯單持照報縣詣驗棺殮棺交地保
收管概不傳地主地隣堂董訊供其書差件作飯食及夫馬船隻
一切驗費官爲捐給以杜滋累如係吃丐斃屍經丐頭查無別故
卽聽丐頭赴堂領棺殮埋亦不必報驗倘有地匪棍徒差役人等
攔阻勒報以及於報驗時縣差件作敢再刁難凌辱滋擾者許卽
指名稟請提究懲辦該堂董務須共勸善舉不得稍有瞻顧仍俟
年終循例由府詳司呈請換照一律頒給遵循毋稍疏忽等因到

府奉此合行轉飭札到該縣卽遵憲飭事理悉心妥辦毋違等因到縣奉此合行轉飭該堂紳董卽遵照憲札事理妥爲辦理仍將司照屆期呈請詳換毋違特札

道光十二年

陽湖縣知縣廖永禁包攬錢漕飭遵議圖示

爲議濟公私永禁包攬環求給示飭遵事據大甯鄉三十一都七圖生員奚向宸卽曰千承敬卽敘和監生是訓卽遵隆承明哲卽嘉德奚仁之圖耆承公望鄉學生徐慶遠監生承同和呈稱生等圖中俗尙循良耕而兼讀民敦古處私不先公唯緣均庄辦役事越遠年庄戶之貧富懸殊田畝之多寡各判夫富庄承辦勢固優爲貧甲輸充情殊支絀生等誼關桑梓何堪苦樂不均且思力果

官書錄

卷下

三

薄棉辦公豈能無悞爲此屢集衿耆節次籌議無如心力不齊未能劃一遵奉茲當薦飢之後秋成固已有望而民氣尙未全甦地耆徐慶遠慨倡善舉陳欠之無力者願爲已任漸次掃數全完以清夙捕而免拖累至現年糧漕議定各甲各催年清年欸舉殷實爲庄首限時日以輸將自此

國課早完共享昇平之福向隅無慮可免比追之差公私兩便莫善於斯但恐不肖庄分或因射利而生波刁狡棍徒或欲徇私而敗約希圖包攬阻撓善舉均未可知爲亟繕呈議單環求給示勒石日後倘遇違議霸阻之人俯准指名稟案嚴提究辦以儆刁風以垂永久等情呈議到縣據此查所稟各情係屬急公起見洵堪

嘉賞合准出示曉諭爲此示仰該圖糧戶耆保庄首人等知悉爾等每年應納錢漕務各恪守圖議日期首先完納踴躍輸將庶官可無事於僱科民亦得安於生計如有違議抗欠者許該保協同庄首指名稟縣以憑專提究懲該保等亦毋徇隱怠玩致干並咎其各凜遵毋違特示 道光十二年

抄粘議單

立議單耆奚曰千承叙和徐慶遠是尊隆承嘉德承公望等議定劃一章程嚴懲違議永遠遵辦事我圖於道光二年議禁包攬漕糧各甲分催一切利弊鑿載議單四年粘議請示飭遵蒙憲諭煌煌如遇抗違許其指稟道光六年再申前議革弊遵

官書錄

卷下

三

辦以期久遠無如心力不齊狃於習故者未能劃一遵奉茲因利弊顯然各庄均願依議辦理爲此集合籌商舉田多殷實者爲庄首席無請弊務期悉心勸勉實力承催各得完納如期年清年款非特官糧無悞可免比追抑且民業安舒無憂賠墊公私兩便莫此爲善但恐因循庄分或緣積欠而懈弛刁狡棍徒或因私而敗約阻撓善舉均未可知特此繕議請示勒石圖中永傳不朽倘遇違議抗阻之人十甲公同稟究夫有恆產者有恆心議以歷十年而始成功擬垂百世而不變庶幾耗盡永除繁昌可望共立議單十一帛永遠遵行各執爲照

一議各甲庄首席股派田多者承當如有轉托委卸拖扯田少

者塞責公同議罰各甲庄首將應催花戶登記清楚各催各戶不得舛錯如約畧酌派登記不明必有彼此互相推諉之弊其戶怠催誰職其咎該甲庄首均干議罰

一議此事自始至今已歷十年始得成此善舉其一切包攬之弊賠累血比脫空重完之苦我等目擊心傷諒不致再蹈此失唯恐子孫久遠不知爲害之大未免喜事更張擅改成議豈不可惜有恆產者須向子孫說知利害垂諸久遠慎勿墮棄前人之功也

一議上忙定期四月初十完清下忙十月初十完清易知單到日地保同庄首散給依期催取如有帶欠罰設席

一議漕米開倉之前現保同庄首散給易知單大小戶俱揀乾淨好米赴倉完納如未完之戶儘十二月中旬完清過期罰戲設席

一議田畝逐年增減如田數多於已前之庄首卽以多者頂替不得推諉致干議罰每年差役及城鄉襍用現保承當

一議錢糧滿兩以外者儘先完納三五錢者次之極小花戶摠於限內完清如遇抗欠之戶庄首儘力勸僱如再不聽通知現保協同庄首理催如無別故而仍抗指名稟追差費欠戶自認

一議如遇水旱偏災現保邀集通圖覈准分數稟報如上忙完

清照例流抵衿戶漕米必待柜價定數方可完納如若遲延致干提究該衿戶承當使費

一議庄首催收各宜認真如屢催不完欠戶罰戲一檯如花戶交錢偶不足數經庄首墊補完串後久欠不還議罰欠找之戶或庄首因循觀望不催花戶以致逾限庄首花戶一同議罰如花戶將錢交出而庄首怠惰不催情近婪吞議罰庄首武進縣知縣吳水陸斃屍鄉圖地保免協緝碑文

爲踵行善事公籲恩准給示以廣仁澤事據安西鄉十四都五圖監生王璐王錦生員岳潤耆民陳邦達呈稱生等住居安西鄉地當孔道爲水陸通衢路斃既不能無浮屍尤爲恆見地方畏累任

官書錄

卷下

五

其飄流卽經停擱亦於昏夜攜沈他所報驗殮埋者十無一二查嘉慶十七年在城紳士仿照錫金成案凡遇路斃浮屍無親屬認領者憲治由北存仁堂同保報驗差件飯食堂中捐給並不累及地主辦理多年後懷南懷北鳴鳳等鄉仿照稟請入堂洵爲善舉生等夙企仁風久殷則效已集團內士民捐費向北存仁堂紳董議明凡遇圖內路斃浮屍無屬認領者附入存仁堂照依臬憲護照章程報候仁憲臨驗一切規條俱照舊章惟路途離城少遠者一切差件等費酌加環叩恩准給示等情到縣除諭飭差件人等遵照外合行出示曉諭爲此示仰該圖董事居民人等知悉嗣後如有前項水陸斃屍並無親屬出認者卽令地保報明存仁堂董

事查看如係無傷病故者由堂捐棺殮埋按旬填簿報縣召屬認領如係有傷者由堂填單報驗詳緝地保在鄉伺候不傳地主查詢如係乞丐路斃亦卽報堂看明着丐頭赴堂領棺殮埋開明年貌服色交堂登簿查核如有差忤需索情事許卽指名稟縣以憑究治該紳董等務須實力經理歷久勿替勉之毋違特示

道光十三年

碑在安西鄉

武進縣知縣孫永免鄉圖地保竊盜案協緝碑文

爲諭飭事案蒙本府憲楊批發矜耆岳高地保孫敘德等呈控身等安西鄉各圖均坐落西運河沿塘保役按田輪當一切差務倍多前奉羅前憲通飭如遇竊盜之案地保有疎巡之責一經呈報

官書錄

卷下

六

立時責釋案歸捕役緝拏免其地保協緝解比等因通行遵照在案今因事主李蔭堂呈報停舟被竊案內飭提怠緝地保李大壽等解比經身等以憲案兩歧叩求將地保免其協緝解比等情呈控批飭妥議詳覆等因奉此查沿塘地保差務繁多與腹裡各圖地保不同查議得安西鄉沿塘圖內嗣後遇有竊盜之案如有匪窩在圖者仍飭該地保協捕勒限緝拿逾限無獲卽將該捕保一併提比如無匪窩在圖者一經呈報地保有疎巡之責遵照羅前憲通飭隨時責釋案歸捕役緝拏地保免其協緝提比解比似此立定章程庶將來各保遇案不能推諉亦與羅前憲通飭相符以昭慎重而亦體恤業經詳奉府憲蒙批如詳立案希卽諭飭沿塘

各保遵循此復等因到縣奉此除移會營汛并札行典巡各員遵照辦理外合行諭飭諭到沿塘各保知悉嗣後沿塘圖內遇有竊盜之案遵照詳定章程辦理毋違特示
道光二十三年七月 碑
在安西鄉奔牛鎮

常州府知府嚴禁止藉設窩蓬弊派婪索碑文

爲再行示禁事案據陽湖縣貢生楊銑等赴府呈稱生等住居各鄉輪田當保前遭兵書差役藉設窩蓬勒令地保搭蓋串同內丁巡船百般詐擾并勒派地保看守油火飯食害累不堪控奉前府准予給示載明嗣後卡窩由縣設立派撥兵捕夫役巡守飯食油火由縣捐給均免累及地保合地謳歌今縣書故智復萌弊行差

官書錄

卷下

七

票專指窩蓬勒令地保搭蓋差役藉票滋擾等情據此當經吊卷查核卡窩歸縣設立確有案據該書差等何得朦混恣惠藉票滋擾應卽由縣飭禁吊銷差票自行估辦以符體制正在批示間又經武陽兩縣紳董汪筠等以弊派婪索公求示禁前來除飭縣吊銷飭禁自行估辦外合再照案示諭爲此示仰各該鄉圖地保人等知悉嗣後應設窩蓬均由縣給價自行傳匠估辦其應給油火飯食等項亦官爲捐給與地保人等無涉該書差等敢再別滋事端或影射圖詐准卽據實稟府以憑立拏究辦決不姑寬其各凜遵毋違特示
道光三十九年 碑在惠化鄉

常州府知府口鄉鎮免派罪犯碑文

爲出示永禁事據陽湖縣安尙鄉二十都二圖生員張煥陳炳辰地保杜炳民人馬日昇嚴企陵章祝三周桂郎錢念祖二十都一圖廩生秦恩銓監生秦照職員秦景詳圖書秦敘林秦應餘地保秦公正二十二都四圖生員虞光斗耆民劉煥章孫裕佳地保劉通周昇東鄉十八都六圖生員莊咏箎莊搢笏職員陳賓監生莊孝莊椿惠地保杭程泰定西鄉三都一圖生員張烈貢生費丙中監生江濤邱榮耆民秦仲和太平鄉十二都二圖生員蔣英銓監生管仁蔣盈科圖書周祖文陸裕萬職員王立坤民人程方壽孫定祿孫正行地保管王州赴府呈稱伊等安尙鄉等共六圖離城寫遠坐落偏僻厯免派養配犯縣承弊朦勒押養犯伊等控臬控

官書錄

卷下

六

府奉飭議詳今幸奉臬憲通飭配犯充當衙門夫役鄉村市集概不准發笈恐縣蠹日久弊生再滋嚇詐環叩專案給示永禁領回勒石等情詞除批准給示永禁等因榜示外合行出示永禁爲此示仰縣書地保人等知悉嗣後該六圖地方一體永免派收安置遣軍流徒各犯以杜擾累倘縣書人等日久弊朦混派許該地居民人等據實指稟以憑嚴究其各永遵毋違特示

咸豐元年

武進縣知縣向鄉鎮免派罪犯碑文

爲公求一體給示勒石永禁以免後患事據孝東鄉七都五圖地保芮孔昭職員殷采監生薛宏忠耆民徐春芳潘京元童克禮周南秀芮九齡丁仁義徐聰行錢騰元霍廷表錢嘉賢孔瑞玉何庭

桂等具稟今蒙府憲轉蒙臬憲札飭安置軍流徒犯先儘佐貳各衙門充當夫役如果派發較多酌交城廂地保輪流收管聽其謀生恤囚卽所以安民法至良意至美也其各鄉圖市鎮俱各免派以免經胥藉派滋擾等因切身圖坐落安家舍鎮係偏僻小集並非大鎮前蒙發收安置徒犯並無謀生之處地保只得挨戶輪流供養稍不遂慾犯卽脫逃害累地方血比破家受累不堪今奉臬府各憲札飭將安置軍流徒犯先儘佐貳各衙門充當夫役如果較多酌交城廂地保輪流收管聽其謀生以免鄉保受累惟身等圖內安家舍鎮係屬小集業據鄰圖新橋鎮同鄰鄉百丈鎮地保鄒協盛及舉人趙起等先後公呈蒙准給示勒石永禁在案惟身

官書錄

卷下

九

圖安家舍鎮事同一律應求一體給示勒石永禁以免將來經胥藉派滋擾臨時莫及爲亟公求給示勒石永禁等情到縣據此除批示外合行給示嚴禁爲此示仰該圖地保居民人等知悉自示之後該圖安家舍永免派發徒犯如有經胥人等藉派滋擾許卽隨時指名稟縣以憑提究該保等均各凜遵毋違特示

咸豐元年閏八月

碑在孝東鄉安家舍

常州府知府平永禁芙蓉圩開壩碑文

爲勒石永禁事據陽邑鄉董生員任椿田錫邑圩董生員余治江邑鄉董生員謝仲明等赴府稟稱生等陽錫江芙蓉馮家十七等圩自明周文襄公築湖成田外設太閘以禦水患各有洞閘以備

厚灌道光二十年大圍潰決蒙憲撥費修築詳定以該圩地勢低窪常被水患永保圍岸不准私開違者照例治罪立有禁碑修堤錄可據詎今夏亢旱陽邑劉行方江邑劉春松膽大私開三缺藉稱救田四千餘畝壩截上流潮水以致下流附近四萬餘畝毫無勻水爭訟連年茲特遵諭會議永守舊章除稟道憲外環叩恩憲給示永禁飭縣立案等情除批示並檄縣一體示禁勒石遵守外合行給示永禁爲此示仰合圩地保佃農人等知悉須知芙蓉圩圍岸攸關全圩農田水利嗣後務各遵守舊章毋得違禁開壩以杜後患如敢故違定卽嚴究懲辦決不姑寬各宜凜遵毋違特示咸豐六年

官書錄

卷下

千

陽湖縣知縣馮巖禁阻撓塘車碑文

爲申明原議求示勒石永遵事據張油車邵密港兩河衿董等呈稱生等農田水利全賴張油車河通漚湖之水跨南運河入邵密港內道光二十三年生員趙祖培卞祖等興工開挑稟請給示委員督開於二十四年工竣稟蒙前憲頒示勒碑刊刻河簿在案詎於咸豐五年桐莊庵失慎碑經火廢幸開浚以來歷年雨水調勻從未列有塘車直至上年遇旱復經內外浜照塚起夫撈浚方各赴塘厚救田禾緣河簿內有塘車仍照舊章字樣鄉愚間生異議查乾隆四十二年浚河止有八十餘塚今則二百三十餘塚合力開挑始得內外一律深通原形已復工程浩大自應均沾水利簿

載仍照舊章者乃指車塘時凡有值塘巡風車印車一切事宜仍照舊章並非謂向有塘車者方可車塘當經明晰曉諭異議始息但此議目前鄉民雖各明允恐日後無賴刁詐之徒藉再橫生枝節以啟釁端因此通泐議明環叩給示依前立碑並擬議呈求改正示遵舊河簿概行繳銷重刊河簿所有舛錯均宜更正永杜爭端弊竇等情前來據此除批示外合行給示勒石爲此示仰通泐農民人等知悉所有張油車河邵窑港內二河業經二百三十餘梁人夫合力開挑內外一律深通非特水利有益且便往來船隻洵屬地方善舉公浚之河自應公沾水利凡開河之梁車塘車湖一體同行毋得妄生異議嗣後如有不法之徒倘敢藉端阻撓啟

官書錄

卷下

三

釁以及墾種灘岸填塞河渠淤積滋事抗違規條許該董保居民等隨時指名稟縣以憑盡法究懲決不姑寬各宜凜遵毋違須至勒石者 咸豐八年 碑在惠化鄉童庄庵內

常州府知府扎永免鄉圖地保竊盜案協緝碑文

爲給示勒石永遵事據武陽兩邑紳士李述來湯成烈陸徽恩陸荃楊金監劉翊宸李致勳莊毓銓莊孫敏吳鳳昌等赴府稟稱武陽鄉圖地保無論士農向係按田輪充前因每遇盜案地保依限並比經武邑懷南等鄉廩生周應基等稟奉前憲示諭凡遇盜竊一經呈報地保有巡防之責由官責處省釋如無弋獲將玩捕分別提比解比若經胥舞弊指稟究辦等因給示勒石遵守并載志

乘近來鄉間偶有失事經書藉案卷淪失責令地保協緝依限並
比抄呈志乘示稿環求給示勒石永遵等情到府據此除批候照
案給示永禁並移行查照外合行給示曉諭爲此示仰各圖居民
地保人等知悉嗣後凡遇盜竊案件地保有巡防之責不能辭咎
由官責處省釋專責捕役緝拿如無弋獲卽提玩捕嚴比如有經
書舞弊牽涉地保許卽稟究其各凜遵毋違特示

同治四年

常州府知府扎飭遵均庄辦役禁革圖差劄
扎陽湖縣知悉准督辦常州善後局高移開照得常屬各縣被擾
以來積弊尤深當此兵燹之餘一切善後事宜亟宜藉達下情訪
求民瘼次第施行昨經敝府出示觀風通閱課卷內有陽湖縣童

官書錄

卷下

三

生劉瑞成呈擬地方利弊二條寔屬積弊之尤確有見解亟宜採
用惟事關久遠必須斟酌妥善講求至是以期永久無弊相應錄
條移請查照飭縣會局妥議具覆再行會核分別施行等因到府
准此合行札飭札到該縣卽會同紳董查核劉瑞成所陳利弊
講求除弊之法酌議具覆以憑會核飭遵毋違切切此札

同治四
年

計抄粘

一各圖應均庄辦役也向來各圖分十庄輪流辦役或田少之
圖不滿十庄或七八庄或五六庄不等每庄田畝多寡不一
富庄田數百畝或千餘畝窮庄田祇數十畝或少至數畝一
圖之內輪辦保役大相懸殊以至移庄避役詭寄等弊叢生

反致富者益多窮者益困至輪保辦役之年則鬼哭神號拆屋賣田拋妻鬻女不堪言狀或有舉集通圖欲以均庄集議者富庄則仗勢欺凌堅執不允貧庄則人微言輕徒勞唇舌或致成訟富者財勢滔天百般播弄窮者則脂膏竭盡仍屬冰消相沿已久莫挽頽風當此大亂初平之際一切興利除弊正在此時請通飭各屬趁此清糧之下每圖除未墾荒田之外所有成熟田畝一概均庄輪辦保役諭飭圖正區書於造冊清糧之時卽照該圖向庄均勻按庄分派如有富豪仍蹈舊轍仗勢欺貧希圖取巧以及圖正區書徇情作弊定提究辦以後十年一均毋任向隅立案通詳各大憲由縣出示曉諭勒石永遵苦民世代戴德仁政莫大焉

一圖差宜照舊禁革也武陽舊有圖差名日向係縣中差夥充當每圖一二人包辦圖內差務於雍正年間奉憲禁革武邑則此弊卽除惟陽邑巧換圖差爲催差名色仍舊在圖案費包辦侵收錢漕與鄉間棍徒相煽成風串訟害民莫此爲甚積習相沿該差視爲世產卽鄉間能事者亦莫能禁止再有不肖之徒倚爲狼狽竊思武陽兩邑錢漕正供向係各圖自行議定清完限期呈縣給示從無抗欠之風卽催征一切公事向歸押鄉差專辦武陽相同而陽邑之圖差催差名目大亂初平之下再不禁革則伊於胡底請飭縣出示曉諭各圖

永遠革除勒石永遵如有棍徒仍舊相串私行包攬等弊一律嚴辦有益於公實惠及民政治之切要也

附史文簡均庄議期記

從來地利不如人和之一語實體國經野之龜鑑也

國家四海一統變封建而分省郡設都縣而別鄉圖既寓條分縷悉於清釐之中復存睦親任恤於撫綏之內誠法良而意美矣顧鄉之圖有多寡之殊固難混而無別而圖之庄有貧富之異自可合而相均我豐西鄉四十二都之六圖芥字號所該折實平田僅一千二百餘畝當役亦分十庄初亦自首至末十年一周柰二庄祇存田數畝何堪獨役一年六九兩庄田亦不過數十畝當役亦

官書錄

卷下

西

苦不勝言因於乾隆間通圖籌畫設均庄之法有田一畝當役一日每年三百五十餘日抄據糧房實徵簿上花戶次第儘其三百五十餘畝當之設有一戶名下之田本年挨次未完必贖至來年再當幾日方爲公允毋許徇情盡以此戶所該之田擠錄在本年實徵簿上苟且了結一經察出花戶及糧房概行議罰以示畫一此法一行既無富逸貧勞不均之弊復無躲役漏稅不白之情四年有餘而通圖當役一轉頭矣而又恐糧漕之不踴躍也更於道光初年共議兩忙錢糧儘三九月掃數冬季漕米儘十二月完清若有釐毫漏贖卽着庄首指名議罰永以爲例因思我鄉民下服先疇惟土物愛上叨子惠厥心自臧是地利兼得人和也所願世

守成規急公奉上庶不愧仰對光天化日也已

陽湖縣知縣溫准誤買繳贓免到誣扳准董保呈請摘釋示

爲出示諭禁事據兩邑紳士湯成烈陸懃恩陸荃楊金監劉翊宸吳容光莊毓鎡史致謨稟稱竊匪誣良最爲民害并有惡捕叅賊在家遇有小案破出卽囑令到堂供扳被誣之人迨至昭雪業已傾家蕩產嗣後竊案獲犯供有窩夥買贓寄贓等項名目應請先行諭飭隣保查寔覆縣再行拘起誤買者繳贓免到被誣之人由董保具呈摘釋稟請示禁等情到縣據此查竊盜獲犯供指買贓之處向係起贓不拘人誠以誤買賊贓律不坐罪本可無庸到案該紳等所稟係爲杜擾安良起見自應准如所請一體示禁嗣後

官書錄

卷下

五

凡遇賊犯供指何人買贓何人受寄先飭隣保密查覆候飭起如無其事卽由隣保邀同鄉圖董具結呈覆隨時核明摘釋如保結不實亦將隣保治以包庇之罪該書役等不得藉端滋擾倘敢串同作弊索賄訛詐准被擾之人據實指稟以憑從嚴懲究合行出示諭禁爲此仰董保居民人等一體遵照辦理毋違特示

同治五年

武進縣知縣溫 試卷援案定價碑文

爲援案定價給示勒碑事據兩邑紳士李述來湯成烈陸荃楊金監劉翊宸史致準吳容光莊毓鎡等稟稱竊照武陽兩縣昔年院試暨府縣卷價曾由部中立案正場每本玖拾文覆試每本壹伯貳拾文不準分外增加歷年遵守未敢絲毫加派兵燹之後貧士

赴試辦卷益覺艱難而禮書辦公經費不敷業由仁憲體恤寒微捐廉津貼不準於試卷價值加派分文凡在士林同聲感戴乃禮書不遵定價仍復加派幸蒙立予誠斥當將淨收各費退還猶恐日後故習復萌應請准予援案會同給示勒碑照舊定價等情到縣據此除批示外台行會同給示勒碑爲此示仰闔邑與考文章及辦考禮書知悉嗣後歷屆試卷一律遵照定章正案每本玖拾文府縣考覆試每本壹佰貳拾文不准分外增加如果承辦禮書一切費用不敷支應除卷價外聽候本縣隨時酌量籌款津貼以示體卹勒碑永遵毋違特示 同治五年

武進 陽湖縣知縣 王 嚴禁需索相驗路費碑文

官書錄

卷下

美

爲給示勒石永遵事據兩邑各鄉鄉董稟稱向來各鄉遇有命案呈報相驗隨帶書差忤作自飯食以及夫馬船隻一切驗費由官捐給出示勒碑各在案原爲體恤閭閻禁止需索起見乃刁滑書役藉此魚肉鄉民有搭屍厰落地稅以及夫馬船隻一切供應各名目所費均取給於現年地保或仍派取鄉民否則地保自行賠累是以鄉圖一遇命案現保每至蕩產傾家大爲地方之害刻屆兵燹之後民情困苦更甚伏思水陸無屬斃屍業蒙詳請永禁勒索滋擾在案此係由善堂紳董報驗視路之遠近給費之多寡於由官捐給之外量加津貼實屬意美法良董等現擬按照成案以後城鄉各圖凡遇人命呈報卽援由堂報驗路斃章程照數給發

不准增減如果書差忤作人等仍蹈前轍弊捺需索許該圖董保隨時訴知善堂紳董指送究辦以杜擾累仰准援案給示勒石永遠等情並呈碑摹及存仁堂報驗路斃章程碑文到縣據此除批示外合行給示勒石永遠爲此示仰各鄉董保暨書差忤作人等知悉嗣後圖內凡遇命案立即呈報聽候詣驗所有一切驗費悉照善堂填單報驗章程分別路途遠近照章給發不准弊捺需索倘敢故違許該董保訴知善堂紳董稟縣以憑究辦決不稍寬其各稟遵毋違特示 同治五年

武進縣知縣王嚴禁需索踏勘路費碑文

爲給示勒石永遠事據兩邑各鄉鄉董稟稱竊照鄉間竊盜各案

官書錄

卷下

三

其案情較重者事主呈報詣勘明確方准飭役緝追四鄉道路寫遠向遇請勘所有書役舟車等費由官捐給之外各項人等尙分外需索不遂其慾卽延遲捺攔臨勘時株連鄰保其弊百出捕役奉票踵緝亦不實力奉行事主旣不幸失事報案請勘又受書差之累情何以堪仁憲蒞任以來痼瘕在抱凡有書役向來積弊逐件釐剔以蘇民困董等因思前項勘費若不明示定章深恐流弊日甚一日現擬各鄉詣勘之案書差川費及各項開銷捐給之外量加津貼悉照善堂稟定相驗章程一律定數酌給其會勘營弁需費統列在內如有刁書蠹役再行需索准事主董保稟究公叩給示勒石等情到縣據此除批示立案並移營知照外合行出示

曉諭爲此示仰董事地保書差捕役人等知悉嗣後凡遇事主呈報盜竊請勘之案除書役舟車各費捐給外計道途之遠近量加津貼悉照善堂稟定相驗章程一律酌給如有書差營弁格外需索准事主董保指名稟縣以憑究辦決不稍寬各宜凜遵毋違特示
同治五年

陽湖縣知縣鈔奉

兩江總督曾江蘇巡撫丁

嚴禁自盡圖賴示

爲嚴禁自盡圖賴以重民命事照得自盡人命律無抵法而小民愚戇每因細故動輒輕生其親屬聽人主唆無不砌詞混控牽涉多人意在求財兼圖洩忿經年累月蔓引株連被告深受其害夫父子兄弟夫婦皆人道之大經乃死而因以爲利是雖視然人面

官書錄

卷下

三

實則禽獸不如尤人心風俗之憂也本部堂現已通飭各屬隨事整頓力挽頽波凡自盡命案均限一個月審結倘有聳令自盡誣告詐賴等情卽嚴究主使棍徒一並從重治罪此後爾等卽或自拚一死總不能貽害別人其親屬雖欲逞刁一經審出實情不過自取罪戾亦無人肯與賄和是不但死者枉送性命不值一錢卽生者因此又犯刑章更屬無益有損本欲害人適以自害徒爲讐人所快復何利之可圖何忍之能洩哉合行剴切示禁爲此示仰闔屬軍民耆老婦女人等知悉爾等須知身命爲重旣死不可復生公論難誣干虛焉逃一實訟師羅織伎倆今日不復能行嗣後務各自愛其身毋得逞忿輕生希圖詐害其親屬亦不許聽唆誣

告枉費請張所有律例罪名逐條開示於後

一子孫將祖父母父母屍身圖賴人者杖一百徒三年期親尊

長杖八十徒二年妻將夫屍圖賴人者罪同功總遞減一等告官者以誣

告反坐杖一百流三千里加徒役三年因而詐取財物者計

贓准竊盜論搶去財物者准搶奪論

一詞狀止許實告實證若陸續投詞牽連婦女及原狀內無名

之人一概不准仍從重治罪

一赴各衙門控告人罪一經批准即令原告投審若無故兩月

不到案即將被告證佐俱行釋放所告之事不與審理事專拿

原告治以誣告之罪

官書錄

卷下

完

一控告人命如有誣告情弊照律治罪不得聽其攔息或有誤

聽人言情急妄告於未經驗屍之先盡吐實情自願認罪遞

詞求息者果無賄和等情照不應重律杖八十如有主唆仍

將教唆之人照例治罪

以上均係律例明文何等嚴切本部堂力除積弊務挽澆風

惟有執法從事爾等各宜猛省慎毋自貽伊戚徒悔噬臍稟

遵特示 同治七年

武進陽湖縣知縣張奉文示禁蘆洲文費碑文

敬錄憲示內開抄奉巡撫部院丁為

奏定蘆洲田地變通丈期嚴禁丈費出示勒石永遠遵守事照得

江蘇省沿江沿海沙洲林立坍漲靡常定例五年一丈坍則報豁漲則報陞法至善也無如日久弊生或望水以陞科或留糧而待補沙棍因之把持豪強於以兼併而書差洲保人等明知此弊故每屆大丈之期倡爲丈費名目隨丈徵解得規則照舊造報無錢則勒限比追內外上下各書吏按股均分地方官亦從而染指徃徃前丈之費未已後丈之費又來以百姓有限之脂膏何堪此無窮之賖削本部院民依念切是用惻然卽經會同爵閣督部堂會附片

奏明准部議覆改爲十年一丈庶爲期較寬閭閻永免夫騷擾而因時復勘坍漲仍有所稽查第恐吾民四郊散處未能周知合行

官書錄

卷下

三

出示勒石曉諭爲此示仰各廳州縣沙洲業佃人等知悉自此次造報後續屆十年大丈之期凡舉報坍漲者照例勘丈造具圖冊詳咨陞除其無坍漲者不必重行丈量並不必另造圖冊以免擾累至丈費名目永遠革除如地方官吏差保董事人等仍藉稽查欺隱爲名將並無坍漲之田通行丈量及需索丈費者許卽據實稟辦嗣後如有漲坍爾等亦須隨時呈報毋得隱匿影射自貽伊戚總期共沾樂利永絕弊端毋負本部院與民休息之意凜遵毋違特示

同治八年

常州府知府吳禁差船需索碑文

爲循案示禁以靜地方事據武進縣安西鄉鄉董職員姚馨劉泰

王宇廷生員張紹奎沈鏡澄監生邵鑑黃仲仁陳鑑赴府稟稱職等鄉圖坐落奔牛沿塘水陸衝衢差使船隻往來不絕每有餉銀龍衣等項差船停泊船戶兵役人等十數成羣手執旗棍入市需索地保以及各色生意無不受害是以嘉慶年間生員楊掌綸等稟蒙前憲塘給示勒石永免騷擾數十年安堵無恙近來前項差船明知案據淪陷復萌故智凡有到鎮仍如從前騷擾勒令地保僱夫支更且以護送爲名索取多錢稍拂其慾即將地保捆綁上船百般嚇詐伏查設立地保輪田當差有催征糧漕之責前項差船例應兵役護送豈容該船戶等勒保護送僱夫支更藉端索擾更兼買物不依市價強欠硬買橫行不法鄉民奚堪擾累爲迫搨

官書錄

卷下

三

摹印請示諭並請檄飭文武衙門嗣後遇有此等差船過境停泊責令照章守法派撥弓兵汛役巡護以昭慎重等情到府據此除批示並檄縣分別移飭營汛奔牛司查照外合行出示曉諭爲此示仰經過差使船戶兵役人等知悉嗣後遇有前項差船經過地方停泊住宿由地方文武衙門派撥兵役妥爲護送不得再向地保勒令僱夫支更藉端索擾其上岸買物尤須照依市價公平交易不得強欠硬賒致滋擾累倘敢不遵許卽指名赴地方有司衙門稟究其各凜遵毋違特示

同治十一年

常州府知府吳水陸斃屍鄉圖地保免協緝碑文

爲給示事據北存仁東同仁堂紳董李芳王惠中吳企翼屠鴻修

願受疇周之藩董兆甲楊鵬起等赴府稟稱竊據懷南鄉鄉董陳政黃道燦潘葆昌圖董張志南孫勝法周俊茂地保張公發來堂訴稱本年六月懷南鄉大塘河內盛家橋地方浮有無屬男屍一名地保張公發報請轉報武縣憲王驗明屍傷棺交地保收埋義塚插標召認在案今縣差持票來鄉藉票押令地保須備米石錢洋僱船協同緝拏兇犯百般恐嚇一再而三其害伊於胡底此風一長各圖莫敢出首呈報善政將弛懇請轉呈示禁免累等情伏查水陸無籍斃屍久蒙詳請永禁勒索滋擾嗣於同治五年八月由各鄉圖董呈請圖內凡遇人命呈報卽撥由堂呈報照章不准需索蒙武陽縣憲會銜給示勒石永遠遵守各在案是書差滋擾官書錄

卷下

三

久干憲禁且查盜竊之案蒙前府憲扎出示嚴禁永免地保協緝勒石遵守而無屬水陸斃屍與盜竊之案事同一轍盜緝案件既蒙永免地保協緝况此河浮命案係屬收埋善政似宜一體邀免協拏呈求出示諭禁等情到府據此除稟批示并行縣分別查禁究懲外合行給示爲此示仰各圖居民地保人等知悉嗣後凡遇水陸無籍斃屍由堂交保首報者聽由地方官選差緝兇該地保亦不得任兇逃逸及知情徇庇致干拏究其各凜遵毋違特示

同治

十一年 碑在存仁堂

武進縣知縣 王 鄉鎮免派罪犯碑文

爲給示勒石永禁事據武陽兩邑鄉董職貢生岳起候選知縣楊

旭藻等稟稱竊武陽各鄉圖均係按田充保從前軍流徒犯到配
往往派發鄉圖交保看管偶有逃脫提保比緝受累無窮咸豐元
年經各鄉據實稟蒙臬憲暨前府憲札飭安置各犯先儘佐貳衙
門充當夫役如果派發較多酌交城廂地保收管聽其謀生各鄉
圖俱各免派卹囚卽以安民法至良意至美等因示諭各鄉勒碑
在案至今並受其福竊念鄉保俱係農民安置配犯既非所宜兼
以地保當催辦錢漕緊要不違看守罪犯且鄉間曠野不易防閑
一有疎虞咎責難追搦摹碑文呈叩給示勒石永禁等情並奉本
府憲楊札同前由飭卽會核給示具報等因到縣奉此查安置軍
流徒犯原應派發佐貳衙門當差次則城廂地方本無置鄉村田

官書錄

卷下

三

野之間致難安插既據從前稟奉憲飭勒石有案自應永久遵行
據稟前情除批示並具報外合行給示勒石永遵爲此示仰武陽
兩縣各鄉圖董保及居民人等知悉嗣後奉發軍流徒犯到配聽
候先儘佐貳衙門派當夫役次則發交城廂地保收管所有鄉村
市集處所一概永免派發以杜滋累倘有書役人等日久朦混許
該董保居民據實稟縣以憑嚴究各宜永遵毋違特示

光緒三年

